



Uunga:
Piniarneq pillugu Siunnersuisoqatigiit ilaasortaannut
Kommuninut tamanut
KNAPK
SQAPK
Pinngortitaleriffik
Pinngortitamut Avatangiisinullu Naalakkersuisoqarfik

2026-mut qilalukkanut qaqortanut aamma qernertanut pisassiissutit pillugit tusarniaaneq

Matumuuna 2026-mut qilalukkanut qaqortanut aamma qernertanut pisassiissutit pillugit tusarniaaneq nassiunneqarpoq. Qilalukkanut qaqortanut qernertanullu pisassiissutit 2025-mut naleqqiullugu allannguuteqassanngitsut siunnersuutigineqarpoq.

Qilalukkat qaqortat

Naalakkersuisut 2026-mut nuna tamakkerlugu qilalukkanut qaqortanut qilalugartassiissutit ataatsimut 304-t siunnersuutigaat. Pisassiissutinit 294-it siunnersuutigineqartunit 265-it Kalaallit Nunaata kitaani pisassiissutigineqassasut siunnersuutigineqarpoq. Naalakkersuisut aamma qilalukkat qaqortat 13-it aqutsiveqarfik Qaanaamut pisassiissutigineqassasut siunnersuutigaat.

Kalaallit Nunaata Kitaani pisassiissutit, nunap ilaani immikkoortortanut 3-miit 5-imut tunngasut, sunngiffimmi inuussutissarsiutigalugulu piniartunut atuuttunik piniarnermut allagartalinneq akuersissutillinnullu 2025-misut ammatinneqaqqissasut siunnersuutigineqarpoq.

Kitaani qilalukkanut qaqortanut inassuteqarneq 2025-mut naleqqiullugu allanngunngilaq, pisassiissutinilli agguataarinermi aqutsiveqarfiit eqqarsaatigalugit allannguisoqalaarsimalluni.

Tunumi qilalukkat qaqortat pillugit uumassusilerinnermit inassuteqaammik peqanngilaq, qaqortammi sumiiffimmi pineqartumi qaqutigoortuummata.

Naalakkersuisut teknikikkut pisassiissutinik 30-nik aalajangersaapput, piffissami december 2022-2027 atuuttussaq, imaluunniit pisassiissutit tamakkerneqarnissaata tungaanut. Kommuni Tunumi sunngiffimmi pinialuttartut pisassiissutit 15% tikillugu immikkoortitsinissamut periarfissaqarpoq.

Tabel 1a: Kitaani qilalukkat qaqortanik 2026-mut pisassiissutissatut siunnersuutit.

Nunap ilaa immikkoortortaq	Qilalugaqatigiit	2026-mut qaqortartassiissutit
1-2	Qaanaaq	13*
3	Savissivik	265
	Upernavik	
4	Uummannaq	
5	Ilulissat	
	Qeqertarsuaq	
	Qasigiannugit	

22-10-2025
Sags nr.: 2025 - 12639
Akt nr.: 25452557

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

	Aasiaat	
	Kangaatsiaq	
	Sisimiut	
	Maniitsoq	
	Nuuk	
	Paamiut	
	Narsaq	
	Qaqortoq	
	Nanortalik	
	Katillugit	278

* = 2019-imi pisanik nalunaarsuiffimmit 85-inik sippuisoqarsimaneranik nalunaarsuineq tunngavigalugu 2028-ip tungaanut qilalukkanik qaqortanik pisassiissutinit arfineq pingasut ilanngaatineqartassapput, taamaalillunilu Qaanaamut 2026-imi pisassiissutit 37-unatik 29-nngorput, takuuk takussutissiaq 1b. Taakkua saniatigut 2025-mi maannamuugallartoq 16-inik sippuisoqarsimanera pissutigalugu 2026-mut pisassiissutinit ilanngaatineqareerput.

Takussutissiaq 1b: Ukiuni 2021-2028 Qaanaami qilalukkanut qaqortanut pisassiissutissat pillugit aaqquissuussinissatut siunnersuutigineqartoq.

Ukiq	Pisassiissutit	Sippuisimanermiit ilanngaatineqartut	2028-ip tungaanut pisassiissutit
2021	37	- 8	29
2022	37	- 8	29
2023	37	- 8	29
2024	37*	- 8	29
2025	37*	- 8	29
2026	37*	- 24	13
2027	37*	- 8	29
2028	37*	- 8	29
2029	37*	0	37
Katillugit	333	-80	253

* = Qilalukkanut qaqortanut pisassiissutit uumassusilerituunit nutaamik inassuteqartillugu allanngortinneqarsinnaapput. Uumassusilerituut nutaamik inassuteqarnerat apequtaatinngu siunnersuutigineqarpoq 2019-mi sippuinerit annertuut 2028-p tungaanut arfineq-pingasunik sulii aaqquivigineqartassut.

Takussutissiaq 1c: Qaanaamut eqqaanilu nunaqarfinnut 2026-mut qilalukkanut qaqortanut pisassiissutinit agguaanissamut siunnersuut.

Nunap ilaani immikkoortorta (zone) 1-2	Illoqarfik nunaqarfiillu	2026 pisassiissutit
	Qaanaaq	10
	Siorapaluk	2
	Qeqertat	1
	Aqutsiveqarfik Qaanaaq	13

Maluginiaruk siunnersuut aqutsiveqarfiup iluani siunnersuutaannaammat illoqarfiit nunaqarfiillu akornanni naapertuunnerusumik pisassiissutinit agguasoqarnissaa siunertaralugu. Inuit peqatigiiffiillu attuumassutillit suleqatigalugit aqutsiveqarfik

pisassiissutit aalajangerneqarsimasut iluani allamik siunnersuuteqarsinnaavoq aalajangiilluniluunniit.

Aqutsiveqarfinnut allanut assinganik taama iliortoqarnissaa inassutigineqarpoq, taamaalillutik nunaqarfiit aamma pisassiissutiniit pisaqartarniassammata. Agguagassat allattorsimaffiat naalakkersuisoqarfinnut ilisimatitsissutitut nassiunneqassaaq.

Tunu

Naalakkersuisut siullerpaamik Tunumi qilalukkat qaqortamik teknikikut pisassiissutini ukiuni december 2022-2027 atuuttussamik 30-nik aalajangersaapput. Tamanna allannguuteqarfiginagu 2026-mi ingerlateqqinneqassasoq siunnersuutigineqarpoq, pisassiissutit 2027 ilanngullugu atuummat.

Tunumi qilalukkat qaqortat pillugit uumassusilerinermi inassuteqaammik peqanngilaq, qaqortat sumiiffimmi pineqartumi qaqutigoortuummata, tassa piniarneqassanngitsut innersuussutigineqarpoq.

Takussutissiaq 1d: Tunumut qilalukkat qaqortat pillugit 2022-2027-imut pisassiissutit:

Nunap immikkoortortaq	ilaa Tunu	2022 - 2027
6	Tasiilaq	30
7	Ittoqqortoormiit	
	Katillugit	30

Ulloq manna tikillugu 23-t pisarineqarsimasutut nalunaarutigineqarsimapput, taamaasilluni 7-t 2027 tungaanut sinnerupput. Kommuni sumiiffimmi KNAPP-it suleqatigalugit pisassiissutini agguasseqqinnissamut kissaateqaruni akisussaasuvoq.

Taamani Naalakkersuisuusut 2023-mi aalajangiinikuupput Tunumi qilalukkat qaqortat qernertallu neqaat mattaallu Kalaallit Nunaata Kitaanut nassiuteqqusaanatillu nassaqqusaanngitsut kiisalu Qallunaat Nunaanut nassiuteqqusaanngitsut.

Qilalukkat qernertat

Naalakkersuisuniit Kalaallit Nunaata Kitaani 2026-mut qilalukkanut qernertanut qilalugartassiissutit katillugit 455-iunissaat siunnersuutigineqarpoq, Tunumilu qilalukkanut qernertanut qilalugartassiissutit 41-unissaat siunnersuutigaat. Katillugit nuna tamakkerlugu qilalukkat qernertartassat 496-it. 2025-imut sanilliullugu allannguuteqanngilaq.

Tunumi qaqortanik qernertanillu qilalugartassiinissaq aalajangerneqarpoq nutaamik neqissaqarniarnikkut pisariaqartitsineq isiginiarlugu tunngaveqartinneqartumik.

Ilisimatuussutsikkut siunnersuineq

Ilisimatuussutsikkut siunnersuineq Kalaallit Nunaata Kitaanut tunngasoq 2022-iminngaanneerpoq. 2025-imi siunnersuineramik nutaamik tigusaqartoqarnikuunngilaq.

Takussutissiaq 2a: Kitaani qilalukkanik qernertanik 2026-mut pisassiissutissatut siunnersuutit:

Zone	Qilalugaqatigiit	2025 qilalugartassat	2026-imi qilalugartassatut siunnersuut
-------------	-------------------------	-----------------------------	---

1	Etah	15	10
2	Qaanaaq	88**	88**
3	Savissivik	15	15
	Upernavik	85*+10***	85*+10***
4	Uummannaq	154	154
5	Ilulissat	15	15
	Qeqertarsuaq	25	25
	Qasigiannuguit	10	10
	Aasiaat	25	25
	Kangaatsiaq	10	10
	Sisimiut	3	3
	Maniitsoq		
	Nuuk		
	Paamiut		
	Narsaq		
	Qaqortoq		
	Nanortalik		
Katillugu		455	450

* = Aqutsiveqarfik Upernavimmut eqqaanilu nunaqarfinnut pisassiissutit agguataarnissaannut siunnersuut takussutissiaq 2c-imi takuuk.

** = Aqutsiveqarfik Qaanaamut eqqaanilu nunaqarfinnut pisassiissutit agguataarnissaannut siunnersuut takussutissiaq 2d-imi takuuk.

*** = qaannamik pisassat

****= 2025-mi sippuisoqarsimanera pissutaalluni tallimanik ilanngarneqarput.

Etah-mi 2025-mi qilalukkanik qernertanik sippuilluni tallimanik pisaqarsimaneq pissutigalugu pisassiissutit 10-nut inissinneqarput.

2025-imi Upernaviup aqutsiveqarfiani inuussutissarsiutigalugu piniartutut allagartallit nalunaarsorneqarsimasut amerlassusaat aallaavigalugit pisassiissutit agguataarnearput. Tamanna 2026-imi attatiinnarneqassasoq kissaatigineqarpoq, immap sikuusarnera peqqutigalugu, aqutsiveqarfimmi avannarpasissortaani najugallit pisassiissuteqarnissaat qulakkeerniarlugu.

Takussutissiaq 2b: Upernaviup nunaqarfinnullu 2026-mut pisassiissutit agguataarnissaannut siunnersuut. Siunnersuut suliarineqarpoq inoqarfinni ataasiakkaani taakkunani ukiup siuliani inuussutissarsiutigalugu piniartut amerlassusaat tunngavigalugit.

Zone 3	Aqutsiveqarfik Upernavimmi pisassiissutit agguarneri	2025	2026
	Upernavik illoqarfik	14	14
	Kullorsuaq	13	13
	Nuussuaq	13	13
	Nutaarmiut	6	6
	Tasiusaq	6	6
	Innaarsuit	6	6
	Naajaat	5	5
	Aappilattoq	8	8
	Kangersuatsiaq	6	6
	Upernavik Kujalleq	8	8

	Qaannamik pisassat	10	10 *
	Katillugit	95	95

* Avannaata Kommunia qaannamik qernertartassat qanoq agguanneqarsimanersut Naalakkersuisoqarfimmut ilisimatitsissutigissavai agguassereernerup kingorna sap. ak. qaangiutsinnagu.

Tabel 2c: Qaanaami nunaqarfiinilu qilalukkanik qernertanik pisassiissutit agguataar-nissaannut siunnersuut.

Nunap ilaani immikkoortorta 2	Illoqarfik nunaqarfiillu	2026 pisassat
	Qaanaaq	78
	Siorapaluk	5
	Qeqertat	5
	Aqutsiveqarfik Qaanaaq	88

Pisassiissutit agguannissaannut siunnersuut siunnersuutaavoq illoqarfiit nunaqarfiillu akornanni naapertuunnerusumik pisassiissutininik agguasoqarnissaa siunertaralugu. Inuit peqatigiiffiillu attuumassutillit suleqatigalugit pisassiissutit iluani aqutsiveqarfimmut allamik siunnersuuteqarsinnaavoq.

Aqutsiveqarfiit allat aamma taamaaliornissaannut kaammattorneqarput, taamaalilluni nunaqarfiit aamma pisassiissutinit pisarniassammata.

Aqutsiveqarfiit tamarmik illoqarfinnut nunaqarfinnullu pisassiissutissanik agguassereernerup kingorna piaartumik naalakkersuisoqarfimmut allakkatigut nalunaarutigissavaat.

Tunu

Naalakkersuisut Tunumi qilalukkanik qernertanik piniartoqaannassasoq aalajangernikuuaat, innuttaasunut nutaanik neqissaqarniarneq eqqanaarniarlugu. 2025-imut sanilliullugu 2026-mut pisassiissutissatut siunnersuut allannguuteqanngilaq, Tunu tamakkerlugu 2026-mut pisassat katillugit 41-upput.

Ilisimatuussutsikkut siunnersuineq

2022-imi Tunumi kisitsinerit sumiiffimmi piniartut peqataatillugit ingerlanneqarlutik, teknikikkut nalunaarusiaq Pingortitaleriffimmiit tiguneqarnikoq tusarniaanermut ilanngullugu nassiunneqarpoq. Suli Tunumi qilalukkanik qernertanik piniartoqassanngitsoq inassutigineqarpoq.

Nalunaarusiami tiguneqartumi inerniliunneqarpoq, Tunumi qilalukkanut pissutsit ima ilungersunartigisut, allaat Tunumi qilalugaqatigiit immikkoortut pingasut pisaqarfigneqarnissaat nammaneqarsinnaanani.

Taamaattumik suli Tunumi sumiiffinni pingasuni qernertanik piniarnerit tamarmik pilertortumik unitsinneqarnissaat inassutigineqarpoq, tamanna isumaqarpoq peqarfittut killiliiffigisani pingasuni tamani pisaqartoqassanngitsoq. Uani tusarniaanermi ilanngussaq 3 innersuunneqarpoq.

Takussutissiaq 3a: Tunumi qilalukkanik qernertanik pisassiissutit pillugit uumasorsiuut siunnersuinerit.

Nunap ilaa immikkoortorta	Qilalugaqatigiit	2024-mi inassuteqaat
6	Tasiilaq	0
-	Kangerlussuaq	0

7	Ittoqqortoormiit	0
	Katillugit	0

Takussutissiaq 3b: Tunumut qilalukkat qernertat pillugit 2026-mut pisassiissutissatut siunnersuutit:

Nunap ilaa immikkoortortaq	Qilalugaqatigiit	2025	2026
6	Tasiilaq	8	8
-	Kangerlussuaq	16	16 *
7	Ittoqqortoormiit	17	17
	Katillugit	41	41

* Kommuneqarfik Sermersooq Naalakkersuisoqarfinnut nalunaaruteqassaaq "Kangerlussuaq"-mi qernertartassat aqutsiveqarfinnut "Ittoqqortoormiit"-nut aamma "Tasiilaq"-mut qanoq agguarneqarsimanersut agguassereernerup kingorna sap. ak. 1 qaangiutsinnagu.

2025-imitut Tunumi qilalukkanik qaqortanik qernertanillu pisaqartut tamarmik misiligutissanik Pinngortitaleriffimmut tunniussissasut piumasaqaataavoq, kiisalu isit kinguaassiuutaallu.

Pisassiissutininik atunngitsuukkanik nuussineq

Ukiup siuliani (2025-mi) pisassiissutininik qaangiisoqarsimassagalarpat, aqutsiveqarfinnut pineqartumut pisassiissutininik agguassisoqareernerata kingorna taakku ilanngaatineqassapput.

Qilalukkanik qaqortanik qernertanillu nuussineq ("carry over") - ukiumit pisassiiffiusumit 2025-mit ukiumut tulluuttumut nuunneqarsinnaapput (piffissami aalajangersimasumik unerartinneqanngitsut tunngavigalugit).

Inatsisitigut tunngaviit

Pisassiissutininik aalajangersaaneq Piniarneq aallaaniarnerlu pillugit Inatsisartut inatsisaat nr. 34, 13. juuni 2023-imeersumi kingornanlu allannguutaani inatsisitigut tunngaveqarpoq. Nalunaarut pineqartoq tassaavoq qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersoq (maannakkut nutarsarneqarpoq).

Pisassiissutissanik aalajangiisarneq

Kinguaariinnut tulluuttunut pisassatigut isumalluutit atorneqarnissaat attatiinnarisinnaajumallugu, piniagassat killilersukkat pillugit uumassusilerituunit inassuteqarnernik Naalakkersuisut pissarsiniartarput. Inassuteqarneq uumasogatigiinnut ataasiakkaanut atatillugu suliarineqartarpoq, uumasogatigiillu qanoq amerlatiginerat, uumasogatigiinni ataasiakkaani uumassuseqarnikkut pissutsit, piniarnerup annertussusaa aamma sumiiffinni uumasut siumorneqarfigisinnaasaanni uumaniarnerannut atugassarititaasut apeqqutaatinneqassallutik. Piujuartitsineq tunngavigalugu piniarneq attassinnaajumallugu, inassuteqarnermi uumasogatigiinnik ataasiakkaanik piniarneq qanoq annertutigisoq ingerlanneqarsinnaanersaq nalilerneqartassaaq.

Tunumi qilalukkat qernertat pillugit piniartut atuisullu ilisimasaanut tunngasooq saqqummiussaq uani aaneqarsinnaavoq: <https://nammco.no/wp-content/uploads/2021/03/tunumi-piniartut-saqqummiinerat-kingulleq.pptx>.

Qilalukkanut qaqortanut qernertanullu atatillugit qilalukkat qaqortat qernertallu pillugit kalaallit canadamiullu ataatsimoorussamik kommissioniata *Joint Commission On Conservation and Management of Beluga and Narwhal* (JCNB-p) aamma *North Atlantic Marine Mammal Commission-ip* (NAMMCO-p) akornanni ataatsimoorussamik ilisimatuussutsikkut suleqatigiissitaq piujuartitsineq tunngavigalugu atuinissamut aqutsisunut siunnersuisartuuvoq. Kalaallit Nunaata kitaanut atatillugu JCNB aqutugalugu, kiisalu Tunumut atatillugu NAMMCO aqutugalugu inassuteqarneq ingerlanneqartarpoq.

Ukiunut arlaqartunut pisassanik pilersaarusiornikkut iluaqutaasussanut ilaapput:

1. CITES-imit aamma EU-mit annertunerusumik eqqussuinnermut annissuinnermullu killilersueratarsinnaaneq pillugu aarleqquteqarnerit annikillisinneqassapput,
2. Pifarineqassangatitanik piniartut iliuusissatik pillugit naleqqussarsinnaanerit, periarfissaqarpallu isertitassatut taartaasinnaasunik nassaarnissaat periarfissiissutigineqassaaq,
3. Aqutsinermi allaffissornikkut nammatassat annikillisinneqassapput, taamaalillutillu isumalluutit akissaajaatinut sanilliullugu sunniuteqarnerusumik atorneqarsinnaassallutik.

Uumassusilerinnermut atatillugu inassuteqarnerup saniatigut Naalakkersuisut pisussaa-tinneqarput piniartut atuisullu ilisimasaannik aamma nunat tamalaat isumaqati-giissutaannik mianerinninnissamut, kiisalu Piniarneq pillugu Siunnersuisoqatigiit ilaasortai kommunillu tusarniassallugit. Atuisut piniartullu ilisimasaat piviusunngortinneqarput ilaatigut pingaarnertut kattuffiit attuumassutillit aamma Piniarnermut Siunnersuisoqatigiit ilaasortai aqutugalugit, kiisalu inassuteqarneq sioqqullugu uumasut pifarineqarsinnaasut pillugit misissuinikkut.

Tusarniaanermut killissarititaq

Tusarniaanermut piffissaliussatut ulloq 19. November 2025, nal. 12.00. killigitinneqarpoq.

Tusarniaanermut akissutit uunga nassiuteqquneqarput: apn@nanoq.gl imaluunniit faxikkut faxip normua 34 53 55.

Tusarniaanermut piffissaliussap sivitsorneqarnissaa periarfissaqanngilaq.

Ilanngussaq 1: Pinngortitaleriffimmiit siunnersuineq nutaaq pillugu allakkiaq.

Ilanngussaq 2: JCNB - NAMMCO JWG-miit nalunaarusiaq pillugu eqikkagaq.

Ilanngussaq 3: Pinngortitaleriffimmiit Tunumi kisitsinerit pillugit allakkiaq.

Ilanngussaq 4: Pinngortitaleriffimmiit Tunumi kisitsinerit pillugit tekniskimik nalunaarusiaq

Inussiarnersumik inuulluaqqusillunga



Naja Holm

Tlf. Nr. 345336

E-mail: naho@nanoq.gl